



АРВАН НЭГ. ЭЛСЭЛТИЙН ШАЛГАЛТ ШААРДАХГҮЙ БУСАД ХЭЛБЭРИЙН ЭЛСЭЛТ

11.1. Бакалаврын сургалтын хөтөлбөрт суралцах хүсэлтэй, дараах шалгууруудын аль нэгийг хангасан бүртгүүлэгчээс ЭШ-ийн оноо шаардахгүй элсүүлэн суралцуулна.

Үүнд :

11.1.1 Дотоод, гадаадын аль нэг их, дээд сургуульд дэд бакалавр, бакалаврын боловсрол эзэмшсэн иргэн;

11.1.2 ШУТИС-д элсэлт авах бакалаврын хөтөлбөрийн чиглэлээр политехник коллежийг техникийн боловсролын дипломтой төгссөн, гадаадын аль нэг улсын техникийн коллежийн төгсөгч, шаталсан сургалттай дээд боловсролын сургалтын байгууллагын төгсөгч;

11.1.3 ШУТИС-д элсэн суралцах бакалаврын хөтөлбөрийн чиглэлээр 3-аас доошгүй жил ажилласан, 30-аас дээш насны иргэн;

11.1.4 Гадаадын аль нэг улсын их, дээд сургуульд суралцаж байгаад ШУТИС-ийн бакалаврын хөтөлбөрт шилжин суралцах иргэн;

11.2. Анги танхимын багтаамж, профессор, багшийн ачаалал, нийгмийн эрэлт хэрэгцээ, байгууллагын захиалгыг үндэслэн хүснэгт 3-т заасан сургалтын аль нэг хэлбэрээр элсэлт авах хөтөлбөрийг нээлттэй зарлан, батлагдсан хуваарийн дагуу www.elseit.edu.mn вебээр дамжуулан элсэлтийг зохион байгуулна.

Хүснэгт 3.

Д/д	Сургалтын				
	Хэлбэр	Төрөл	Хугацаа улиралд /7 хоног/	Ерөнхий зохион байгуулалт	Хуанлийн хугацаа
1	Танхимын	Эчнээ	8	Сургалтын хугацаанд хичээлийн агуулгын 60 хувийг 6 долоо хоногийн хугацаанд танхимд, 2 долоо хоногт оюутан бие даан суралцах	Намрын улиралд IX-XVI долоо хоног, Хаврын улиралд I-VIII долоо хоног
		Гарагийн	16	Хичээлийн 16 долоо хоногийн бүрэн агуулгыг тодорхой гарагуудад суралцах	Намрын улиралд I-XVI долоо хоног, Хаврын улиралд I-XVI долоо хоног;
2	Танхимын бус	Ганцаарчилсан	16	Хичээлийн бүрэн агуулгыг суралцах	
3	Хосолсон сургалт	Цахим-танхим хосолсон	12	Хичээлийн 16 долоо хоногийн бүрэн агуулгыг 12 долоо хоногийн хугацаанд 8 (4) долоо хоног цахим, 4 (8) долоо хоног танхимаар суралцах	Намрын улиралд V-XVI долоо хоног, Хаврын улиралд I-XII долоо хоног
		Ганцаарчилсан			
		Гарагийн	16	Тодорхой гарагуудад хичээлийн бүрэн агуулгыг судлах	Намрын улиралд I-XVI долоо хоног, Хаврын улиралд I-XVI долоо хоног;



- 11.3. Танхимын сургалтын (эчнээ) хувьд 6 долоо хоногийн хугацаанд танхимд уртасгасан цагаар, үлдсэн 2 долоо хоногийн хугацаанд оюутан бие даан суралцах байдлаар сургалтыг төлөвлөж явуулна.
- 11.4. Танхимын бус (ганцаарчилсан), хосолсон (ганцаарчилсан) сургалтыг онцлог хэрэгцээ шаардсан(хөгжлийн бэрхшээлтэй), ганцаарчилсан хэлбэрээр суралцах зайлшгүй шаардлага үүссэн(эрх чөлөө нь хязгаарлагдсан, эрүүл мэндийн шалтгаантай, гадаадад түр хугацаагаар оршин суугаа), элсэлтийн журмын шаардлага хангаж элссэн оюутны хүсэлтээр хөтөлбөр хариуцсан тэнхим, сургуулийн сургалт хариуцсан нэгжийн зөвшөөрлөөр зохион байгуулна.
- 11.5. Хосолсон сургалтын хувьд 12 долоо хоногийн сургалтын харьцааг сургууль, хөтөлбөрөөс хамаарч ялгаатай байдлаар төлөвлөж, цахим хичээлийг холимог цахим(бодит хугацаа, бодит бус хугацааны) хэлбэрээр зохион байгуулах ба сургалтын материалыг LMS, Microsoft Teams, Moodle платформд урьдчилан байршуулна.
- 11.6. Гарагийн сургалтыг оюутнуудын ажлын цагийг харгалзан оройн цагаар (V пар ба түүнээс хойш) эсвэл бямба гарагт танхимын, хосолсон хэлбэрээр зохион байгуулах ба сургалтын 16 долоо хоногийн бүрэн агуулгыг олгоно.
- 11.7. Журмын 11.1.1 заалтын дагуу элсэн суралцах иргэний өмнөх боловсролын мэдээлэл нь дээд боловсролын удирдлага мэдээллийн цахим системд баталгаажсан байна.
- 11.8. Журмын 11.1.2 заалтын дагуу элсэн суралцах иргэн техникийн боловсролын диплом, сургууль төгссөн тушаалын баталгаажсан хуулбарыг бүрдүүлсэн байна.
- 11.9. Журмын 11.1.3 заалтын дагуу элсэх бүртгүүлэгчийн ажлын газрын тодорхойлолт, нийгмийн даатгал төлсөн лавлагаа, бүрэн дунд боловсролын гэрчилгээ, өргөдөл болон эсээ (бүртгүүлэгч өөрийн суралцах бэлтгэл хангасан байдал, авьяас чадвар, туршлага, хувийн зан чанар, хэрхэн суралцахаа илэрхийлсэн байна)-г бүрдүүлсэн байна.
- 11.10. Журмын 11.1.4 заалтын дагуу шилжин суралцах иргэн суралцсан хугацааны дүнгийн баталгаажсан хуудас, түүний баталгаат орчуулга, сургалтын визний хуулбарыг бүрдүүлсэн байна.
- 11.11. Шаардлага хангасан бүртгүүлэгч нь элсэлтийн системд утасны дугаараар бүртгэл үүсгэн нэвтрэх ба шаардлагатай хувийн мэдээлэл, бичиг баримтын хуулбарыг хавсарган оруулж, хавсралт 1-д заасан хөтөлбөрөөс сонгон бүртгүүлнэ.
- 11.12. Хөтөлбөр хэрэгжүүлж буй сургуулийн сургалт хариуцсан нэгж, тэнхим бүртгүүлэгчийн хавсаргасан баримт бичгийг хянаж, шаардлага хангасан бүртгүүлэгчтэй холбогдон сургалтын мэдээллийг өгч, сургалтын журмын дагуу өмнөх диплом, дүнгийн хуудаснаас судалсан хичээлийг дүйцүүлэх санал боловсруулна.
- 11.13. Сургуулийн сургалт хариуцсан нэгж суралцах шийдвэр гарсан бүртгүүлэгчийн нэрийг элсэлтийн комисст хүргүүлэн хөтөлбөр баталгаажуулалт хийлгэнэ.
- 11.14. Хөтөлбөр баталгаажсаны дараа бүртгүүлэгч элсэлтийн системд нэвтэрч анкет бөглөн, оюутны код, нууц үг авна.
- 11.15. Оюутны код, нууц үгээ ашиглан <https://student.must.edu.mn/> хаягаар оюутны вебд нэвтэрч, суралцах гэрээг цахимаар заавал байгуулж, зөвлөх багшийн мэдээлэл, хичээл сонголт хийх заавар, зөвлөмжтэй танилцах ба бусад шаардлагатай мэдээллийг оюутны гарын авлагаас авна.